

# INUIT ATAQATIGIIT

INATSISARTUNI



29.9.2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

Apeqquutit:

**1)**

**AG-mi allaatigisami allassimavoq TGS-ip qinnuteqaatini kingusissukkut nassiussimagaa "taamaasineranilu Namminersorlutik Oqartussat killis-sarititaasa ilaat" qaangersimagaa. Killissarititaq suna pineqarpa aam-malu sooq qinnuteqaat Namminersorlutik Oqartussanit suliarineqarpa, naak siusinnerusukkut § 37 naapertorlugu apeqquteqarninni tusagsiutinut tapersiisummut atatillugu uannut akisummi (nr. 154 aamma 162) Naalakkersuisut oqaaseqartut piffissatigut killigititaasut malinne-qartarnissaat assut pingartinneqartoq? Matumani qinnuteqaat piffissamik killigititaasumik sutigut qaangiisimanersoq Naalakkersuisut paasis-sutisseeqquneqarput.**

**2)**

**AG-mi allaatigisaq naapertorlugu tusarniaasitsinermi killigititaq tassavoq 18. august, akuersissullu 26. august tunniunneqarpoq. Ullut taakkua akunneranni sapaatip akunneranik piffissaqarlutik TGS-kkut qanoq ingerlasoqarsimaneranut isorineqarnermut akisummik nassuaasioqqu-neqarput. Nassuaammi pineqartut qassit TGS-imut akeqquneqarpat? Apeqquut ulloq suna TGS-imut nassiunneqarpat, nassuaasiarlu ulloq su-na Namminersorlutik Oqartussanit tiguneqarpa?**

**3)**

**Qanga Namminersorlutik Oqartussat TGS-imiit 400 meterisut akunninlin-nik sajuppillatsitsiniarluni titarnileerusunernik tigusaqaqqaarpat? AG naapertorlugu Namminersorlutik Oqartussat qinnuteqaat 29. augustimi tiguaat. 29. august tikitsinnagu tassunga tunngasumik saaffiginnit-toqarpa? Aammalu 26. august, tassa akuersissutip siulliup tunniunneqarfia, nallertinnagu tamanna pillugu saaffiginittoqarpa?**

**3a)**

**Paasissutissat tigussaasut suut tunnavigalugit umiarsuup misissuisup sajuppillatsitsilluni misissuinini akuersissummik peqqaartinnani aallar-tissimangikkai Naalakkersuisut upternarsarsinnaavaat?**

**4)**

**TGS-ip akuersissumminik annertusaanissamut qinnuteqaataa ullut sisamat atorlugit Namminersorlutik Oqartussanit suliarineqarpoq. Taakkunaannga ullut marluk sapaatip akunnerata naaneraniipput. Ullut taakkua sisamat atorlugit Aatsitassanut Aqutsisoqarfimmiit Avatangiisinut Aqutsisoqarfik aamma DCE attavigineqarput. DCE-p imaluunniit Avatangiisinut Aqutsisoqarfiup akuersissutip annertusinissaanut tunngatillugu TNG-mut akerliliissuteqannginnerat ilumoorpa? Ullut taakkua sisamat ingerlaneranni nutaamik tusarniaasitsinissaq eqqarsaatinut ilaasimamerpa?**

**5)**

**Aatsitassanut Aqutsisoqarfiup Aatsitassanut imaluunniit Avatangiisinut Naalakkersuisut akuutinnagit allaffisornerinnakkut akuersissutip annertusineqarnissaa isumagisimagunarpaa. AG-mi allaatigisaq naaper-torlugu Namminersorlutik Oqartussanit oqaatigineqarpoq annertusaaneq teknikkikkut aaqqiinerinnaasoq avatangiisinut sunniuteqangitsoq. TGS-p akuersissutaani siullermi titarnerit 3 km-rinik akuttussuseqartussaap-put, akuersissummi nutaami 400 meterinik akuttussuseqarsinnaatitaa-lersut.**

**Akuttussutsit annikinnerpaaffissaannut ilisimatusaatit qanoq inassute-qarpat, aammalu arfeqarfiit illersugaafffigineraat imaluunniit taakkua avataaniinersoq apeqqutaatillugu akuttussutsit inissinneqartarpat? Avatangiisinut biologiskimillu illersorneqarsinnaasut eqqarsaatigalugit Naalakkersuisut isumaat naapertorlugit akulikinnerpaaffissaq suua?**

**Sajuppillatsitsilluni misissuinernut atatillugu akuersissutoqqaniit annertusaanissani allannguutinut tunngatillugu tusarniaasitsisoqaqqitta-riaqalinnginnerni allannguutissat qanoq annertutigisinnaanerannik Naalakkersuisut qanoq isumaqarpat?**

**5a)**

**AG-mi allaaserisamittaaq oqaatigineqarpoq, sajuppillatsitsinerit 400 me-terisut akuttussuseqarnissaannik aalajangiineq allaffissornikkut pisima-soq. Qanoq annertutigisunik – qanorlu – sajuppillatsitsilluni misissuinerni akuersissutit allannguiteqarnissaannut allaffissorneq Naalakkersuisu-niit pisinnaatinneqarpa?**

**6)**

**Ilumoorpa TGS-ip sajuppillatsitsilluni misissuinernut akuersissutaa arfe-rit illersorneqarnissaanni zonep ilaaniittoq? Aappiuppat: Zonet illersor-neqarfiusut iluini titarnerit 10 kilometerisut akunneqarnissaannik inas-suteqarneq eqqarsaatigalugu tamanna qanoq ililluni illersorneqarsin-naava, massa akuersissummi pineqartumi 400 meterinik akuttussusilii-nissaq pisinnaatinneqartoq?**

(Inatsisartuni ilaasortaq, Naaja H. Nathanielsen)

**Tunngavilersuut**

Greenpeacep norskit ingerlatseqatigiiffiat, TGS, politiinut tunniussimavaa, tassani ingerlatseqatigiiffik akuersissutitaqanngitsumik sajuppillatsitsilluni misissuisima-

nernik pasisaalluni. Peqatigitillugu, Aatsitassanut Aqutsisoqarfiup akuersissuteqa-reernikkut tusarniaasitseqqinnani akuersissut annertusisimammat tamanna Greenpeacep isornartorsiorsimavaa. Aatsitassanut Naalakkersuisup suut tamar-mik pissusissamissut ingerlasimanerarlugit AG-mi oqaatigivaa.

Pisup soqutiginaatigivaa aaqqissuussisimanerup ilumut atuuffissamisut atuun-neranik naliliisinnaagatta, taamatullu pitsangorsaanissanik pissutissaqarnersu-gut paasisinnaagatsigu.

Politiit sulinerannut akuliunnissara siunertarinngilara, taamaallaalli Namminer-sorlutik Oqartussani suliat ingerlaarnerannut tunngatillugu.

Ullut qulit qaangiutinnginnerini apeqqutima tamarmiusut akineqarnissaannik kissaateqarpunga.